



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 167. De Gheroldi traditione in villa Thiednodeshus in pago Suilbergi, hic agitur de comite Geroldo et geroldina æde Paderbornæ, nec non de villis ad pagum Suilbergi spectantibus.

urn:nbn:de:hbz:466:1-36114

tradidit horid in pago *Sturmidi* (N) in loco qui dicitur *heclo* manfum unum et familiae duas testes eilhard raynfrid unroc tydfo.

tradidit hildibert in *heloan* (O) pro animabus gherbern et theodbern quidquid habuit testes folcuert fini bruno ecbert et alii XII.

tradidit altric testes iidem qui supra traditionis horid.

§. 167.

Tradidit *gherold* (P) quidquid habuit in *thiednodeshus* in *suilbergi* (Q) testes eilbert unroc tydfo.

§. 168.

rum alter ad Billinganam, alter vero ad Brunonianam familiam spectasse videtur, qui pater fuit Adalgarii abbatis Corbeiensis, cuius germanus fuit Adalgarius Hammaburgensis archiepiscopus, testante Vita S. Rimberti p. 742. ed. Fabric.

(N) *Pagum Sturmidi* fuisse in episcopatu Verdensi, negari non potest. Notissimum De pago diploma foundationis episcopatus Verdensis euincit, statuisse Carolum M. ecclesiam *Sturmidi* et cathedram episcopalem super Aleram fluuium in pago, qui *Sturmi* dicitur, et in loco *Fardun* vocato. Quamuis enim quaedam sint, quae huic diplomati, vti diplomati foundationis ecclesiae Bremensis, falsitatis maculam inurere possint, antiquum tamen est, et demonstratio ex eo instituta, qua pagus *Sturmi* in episcopatu Verdensi locatur, reici non poterit. Eandem sententiam quoque approbat diploma caesaris Ottonis III, quo idem imperator anno 985 concedit Brunoni episcopo Verdensi (Chronicon Episcoporum Verdenf. T. II. S. R. B. Leibnitii f. 215. Erponi episcopo id factum fuisse perhibet, quod transeat cum ceteris huius Chronici erroribus) ius venandi in pago *Sturmio*, quod Brunoni episcopo nulli admodum emolumento esse potuisset, si extra diocesin Verdensem pagus *Sturmio* exstitisset. Villae in hoc pago erant *Fardun*, *Ekina* et *Ekynon*, atque *Heclio*.

(O) *Heloan* villa in antiquissimo Registro nostro ponitur in pago *Tilitibi*, qui erat in praefectura Gronde, *Ohlen* et *Polle* ad *Wiseram*, vti supra demonstraui §. 105. not. (γ) Neutiquam ergo errabimus, si per *Heloan* designari intelligimus *Helen* ad *Wiseram* inter *Bodenwerder* et *Hamelen* oppida, seu, vti mentem distinctius explicemus, inter *Keminade* monasterium et praefecturam Gronde. Nunc ille vicus pertinet ad comites, de *Schulenburg* dictos, olim vero erat sedes quorundam nobilium de *Helen*, ministerialium Corbeiensium, de quibus egimus in Clientela Corbeiensis. *Hildibertum* supra inter progenitores comitum *Euersteinen* retulimus, id quod e situ villae *Heloan* in meditullio comitatus *Euersteinen* reperiunda conclusimus. Quantum vero etiam e nominum similitudine colligimus, iudicamus, fratrem fuisse *Gherberni* et *Theodberni Euerbardum* Saxonem, filium *Meginhardi* comitis, quem anno 881 a Nordmannis captum mater eius *Euesu* postea magno pretio dato in columnam recepit, Annalista Saxone teste Tom. I. Eccardi p. 220. Probabile enim est, *Euerbarde* illi nomen esse inditum, ab auo suo petiitum. Cumque *Euerbarde* II pronepos e fratre fuerit *Meinwercus* seu *Meginhardus*: vnum enim idemque nomen est, vti diplomata probant, quae *Meinwercum* episcopum *Paderbornensem* aliquando etiam appellabant *Meginhardum*; eo ipso haec nostra sententia probabilior redditur.

(P) De *Geroldo* eiusque progenitoribus et posteris iam quidem supra §. 163. not. (D) De comitibus pluribus egimus. Intermittere autem non possumus, quin quaedam addamus, vt nostram de eo sententiam probabiliozem reddamus. Cum enim l. c. dixerimus, *Geroldi* IV patrem fuisse *Geroldum* III, pannonicis limitis custodem, ac matrem *Alsburg* e *Brunoniana* domo; post hoc deprehendimus, eius quoque fecisse mentionem auctorem Vitae *Meinwerci* episcopi *Paderbornensis* Tom. I. Leibnit. p. 545. his verbis: *Meinwercus iuxta principale quoque monasterium capellam quandam, capella in honore sanctae Mariae perpetuae virginis a Geroldo, Carolo*

Ab anno
826 usque
853 im-
perante
Hudo-
uico et

roli M. imperatoris consanguineo et signifero, contiguam per græcos operarios con-
struxit, eamque in honore sancti Bartholomæi apostoli dedicauit. Quibus in verbis
primo ellipsim deprehendimus, ac vocem *constructæ* omisam esse omnino puta-
mus: deinde quoque in eisdem verbis particulam *et* inter voces Geroldi et Ca-
roli M. omisam esse censemus, vt itaque totus sensus sic reddendus sit: Mein-
wercum capellam, capellæ a Geroldi et Caroli M. imperatoris consanguineo et
signifero constructæ, contiguam per græcos operarios construxisse. Ita autem
ex his verbis restituta minime probari posse arbitramur, capellam istam ab ipso
Geroldo esse constructam, perperamque igitur eandem appellari a Nic. Schatenio
Tom. I. Annal. Paderb. f. 32. seq. Geroldinam ædem. Quemadmodum enim
alio tempore euidentissime ex diplomatibus quibusdam demonstrari sumus,
tum episcopatum Paderbornensem non tam antiquum esse, vt Schatenius aliique
perhibent, tum *Translationem S. Viti*, in Tom. I. Script. Rer. Germ. Meibomii
f. 763. seqq. reperiendam, ad quam Domini Paderbornenses aliique continuo
prouocant, scriptum esse supposititium; ita e verbis Vitæ Meinwerci elicimus,
constructorem capellæ S. Mariæ fuisse et Caroli M. et Geroldi consanguineum.
Quodsi igitur iam supra demonstrauius, Widekindi Magni posteros in pago
Pathergo possedisse amplissima prædia, atque ideo ad ipsum Widekindum pagum
Pathergo spectasse; probabilissime constructor capellæ (Geroldinæ) quidam e
Widekindi posteris exstitit. Sic autem in ipsis verbis Vitæ Meinwerci, licet ob-
scurioribus, argumenta deprehendimus, affirmandæ sententiæ nostræ idonea,
dicitantes, Geroldum nostrum, leuitam, fuisse filium Alsburge, quæ postea nup-
sit Walberto nepoti Widekindi M. Si enim Alsburg filia fuit Eberti ducis atque
Idæ, vtique Alsburg Caroli Magni consanguinea erat cum filio suo Geroldo. At-
que si Alsburg, mortuo Geroldo III, denuo nupsit Walberto nepoti Widekindi M.
constructor sæpe dictæ capellæ etiam Caroli Magni consanguineus potuit nomi-
nari. Ex his autem videmus et intelligimus, quam longe discesserit Schatenius
l. c. a veritate, quippe qui Geroldum, ab auctore Vitæ Meinwerci nominatum,
reputauit pro Geroldo, Baioariæ præfecto, qui anno 799 in prælio Hunnico oc-
cubuerat. Distinguendos enim esse Geroldos, nec inuicem confundendos, iam
supra docuimus.


De pago
Suilber-
gi.

(Q) Pagus Suilbergi olim erat in comitatu Dasselienfi. Quod vt euidentissime demon-
stremus, primum de hac regione exterminare debemus pagum *Himmeltago* vel
Immetago, quem clar. Grupenius in *Discept. Forens.* p. 543. ad fluum Ilme in præ-
fecturis, Rotenkirchen intra Principatum Grubenhagicum, et Hundesriedek, in
episcopatu Hildesienfi, collocat. Quod idem est ac si dixisset pagum Himmel-
tago quondam exstitisse in comitatu Dasselienfi. Deceptus autem fuit vir doctis-
simus auctoritate C. F. Paullini, qui, cum in *Commentario de pagis* p. 98. quen-
dam pagum Himmeltago ex diplomate Arnolfi quodam adduxisset et Nic. Scha-
tenium in *Annal. Paderb.* P. I. f. 216, qui eundem pagum appellauerat Huuerango,
seu Huuetago, correxisset, pro Huuerango legit Himmeltago. Quem itaque pagum
laudatus Grupenius in comitatu Dasselienfi se inuenisse putauit, eum merito proscri-
bimus. Sed tam Schatenium quam Paulinium viros celeberrimos errasse, eruditi ex
ipso diplomate ad normam autographi correcto, quod in præstantissima Historia nobi-
lium dominorum de Munchausen extat, cognoscere possunt. Diploma illud Arnolfi
ex autographo correctum cum viro Illustrissimo atque omni nostra laude maiore do-
mino scilicet Gerl. Ad. de Munchhausen, scæ Maiestatis Britannicæ etc. consiliario in-
timo etc, communicauimus. Nullus error in apographum, prout in Historia illa lau-
data, exemplo profutura nobilitati Germanicæ atque inprimis Saxonicæ, in addita-
mentis num. I. extat, irrepsit, excepto quod tantum in voce *Piringisa* vnica littera p.
vertenda et legenda est *Diringisa*. Quod vitium, vti quilibet iudicare poterit,
typhothæ est. Hisce præmissis, quilibet ex hoc vnico exemplo perspicere poterit,
quam vitiosissime diplomata Corbeiensia tam a Schatenio quam a Paulinio esse exhi-
bita. Parebit id quoque ex eo, pagum Himmeltago nunquam fuisse in rerum
natura, neque proin in comitatu Dasselienfi esse collocandum. Idem enim pa-
gus Himmeltago est pagus Huuetango, de quo supra (§. 3.) satis superque egi-
mus. Cum vero diploma ipsum loco plane alieno reperitur, ideo huc illud
transferendum esse omnino duximus, addito monogrammate, quod loco deest
laudato. En illud:

In

CIn nomine sc̄ae et indiuiduae trinitatis Arnolfus diuina fauente gratia rex. Notum sit omnibus sc̄ae d̄i ecclesiae fidelibus nostrisq; praesentibus scilicet et futuris qualiter bobo uen̄. abba n̄ram precatuſ est celsitudinem quatinuſ nos quosdam res proprietatis n̄rae quas quidam nobilis uir hohuara nominatuſ priuſ in beneficium habuit pro remedio animae n̄rae parentumq; n̄rōrum ad monasterium noua Corbeia nuncupatum cui idem bobo et fratribus ibidem d̄no famulantibus praesse dinoscitur in proprium concederemus. Cuius petitioni pro aeternae felicitatis amore annuimus libenter. Dedimusq; ad idem monasterium quidquid praefatuſ uir houardus in pago huuetango in comitatibus, *ecperri et reuthard et herimanni* et in locis *diringisa marca schidara adekenbusun et muchobusun* n̄ri beneficii tenuit cum consensu eius in perpetuum proprietatem. cum omnibus reb. illud iuste respicientibus. curtilibus aedificiis terris cultis et inculis agris pratis campis pascuibus siluis aquis aquarumq; decursibus uuis et inuis exitibus ac redditibus quaesitis et inquirendis mobilibus et immobilibus. omnibusq; appendiciis et adiacentibus finibus. illuc legaliter pertinentibus. haec uero omnia hoc sunt hoba. XXV. de n̄ro iure in ius et dominacionem praelibati monasterii in honore sc̄i stephani protomartiris Xpi dicati tradidimus atq; contulimus et iussimus inde hos praesentes regalitatis n̄rae apices titulari. per quos decernimus atq; iubemus ut idem bobo egregius abba suiq; successores ab hodierna die ac deinceps potestatem habeant integerrimam easdem res ita ordinare atq; disponere prout usui fratrum inibi d̄no militantium necesse esse conspexerit. Et ut hoc firmum et stabile perpetually consistat idem praecceptum propria manu firmauimus anuloq; n̄ro sigillari iussimus.

gubernante
Corbeiam
Warrino.

signum domni Arnolphi  inuictissimi regis

Aspertus cancellarius ad uicem deotnari archicapellani recognoui et *fff.*

Data XIII. k. septemb. anno incarnat. d̄ni DCCCLXXXVIII. indict. VII. anno II. regni arnolphi piissimi regis. Actum ad curtem quae uocatur portanaha in d̄i nomine feliciter amen.

Sigillum est dextrum, probabiliter uero aequale fuit illi, quod supra exhibuimus.

Remo.